

石首縣志

地 260.133
34.60
176



石邑志自

今上元年古坪張公重脩後五十餘
年凡戶口賦役職官選舉與夫
忠臣孝子義夫節婦之屬日新
月盛皆有待於增益辛亥夏余
承乏於斯念舊志闕畧慨然欲
修之適

石邑縣志

卷之首序

制府以通志之役檄下麗縣聞
命之餘喜懼交作蓋數十餘年之
事蹟人物賴斯舉以不至湮沒
而簿書鞅掌又恐以不殖之學
貽誚藝林也顧石古隸華容無



論已自晉以迄於明其沿革廢興之間邑之山川疆域風土人情可知者什之一不可知者什之九而自明以迄於今則班班可考焉惟勃興始事者倡之前而踵事增華者繼之後雖不無

承訛踵謬之弊而

兩朝之文獻猶藉以不墜者前志之

力也爰集邑士之能植品善文

章者商榷考訂矢以公慎宜增

者增之宜汰者亦復汰之分門

別類語不離宗未知當於嚴潔

之旨與否而一邑之山川疆域
風土人情約而賅焉蓋於斯犁
然井然已

乾隆六十年歲在旃蒙單閼菊月下

澣知石首縣事王田王維屏謹
序



序

石邑夙號名區攬夢澤洞濶
之秀南北多水東西多山蜿
蜒磅礴靈氣獨鍾以故名賢
疊出忠孝節義政事文章之
選未易更僕數舊志之脩越

石首縣志

序

今五十八載

制府畢公檄修通志 邑令王
公督理志事延邑中諸君子
分纂枚輯書成凡八卷 斐伏
一而讀之例繁而確事簡而該
不出前人範圍而討論潤色

有加焉斯誠志之善者夫三
都作賦何與民銀七步成詩
何函國計蓋宜言與實事之
難也然則官在土者觀山川
去田之美當思所以興利而
除害睹人民戶口之煩當思

所以揆字而旬宣觀學校人
文之蔚起當思所以勸學而
敬教興賢而育才觀忠孝節
義政事文學之選後先輩出
而橫經帖皞之士當思勵品
敦行上繼前徽為四民倡以

無負

聖天子子惠元元之意行見風溥
俗美日臻上理志固不為無
助也斐來若土適逢其會正
樂斯志之淺以於治道有裨
爰退而為之敘名首縣教諭

石首縣志

序

三

黃陂阮文斐撰



石首縣志

石首縣志

間嘗謂人必有卓越庸衆之識
而後可以修史志必有卓越庸
衆之識而後可以修志志與史
二而一者也歷代史家首推司
馬蓋其編年紀事體裁一本於
春秋而權衡人物論贊抑揚如

有得於至聖修春秋之旨而是
紀不謬焉然則修志其可忽乎
哉攷石邑志失於明季兵燹顧
清海王公草創於前龍門衛公
強修於繼綱羅舊聞蒐纂成帙
越乾隆元年古坪張公叙其失

次訂厥遺亡而補輯之庶詳且
備迄今已五十餘載矣其間名
宦之目人物之興忠孝節義之
蓋出以及科目擢職之班次若
不踵而修之後世不將致慨於
無徵也哉幸也我兩湖

石首縣志

卷首序

二

畢大連帥奏請

俞旨飭令各邑修志邑宰敦齋王先

生樂舉其事即延紳士之多識
蓄德者共襄之而因陋以闢亦
在不棄得何公孫國大夫之座
竊不自揆因忝鄙見曰昔孔子

之修春秋也有特書之例有類
紀之條有節取而筆之有陰貶
而削之有據實而敘之此大旨
也今日修志當凜斯旨焉義重
封建則域圉疆理城郭官署以
及壇壝社稷古來遷徙之由考

究宜確義重地利則山川衍沃
井里堤防之形勢叙次宜詳人
物之以先國家則名宦鄉賢事
蹟宜表性德學問足以振風化
則志孝節義與理學篤行之實
錄宜傳土田戶口為封建所自

始學校科目為人物所由成此
皆在特書之例也其餘分門別
部備載以昭示後人者祇從類
紀之條不在特書之例若旌典
已邀於疇昔則筆之不為證或
荒謬難信於來茲則削之不為

刻凜斯旨而忝酌之庶幾章程
可定乎諸君子咸以為然於是
謀議僉同爰凡起創載等毋敢
忽採訪得其實務期簡要復通
公而不阿華而不縛卷帙粗就
即質諸教齋先生復加考訂而

裁奪之紀封建也自晉社預定
江南分置是邑處公監安華之
中所授所距如布帛之有幅靡
僭越矣紀地利也大江環其北
洞庭限其南繡林龍善鎮於內
白鶴黃陵藩於外形勝昭矣紀

人物也文章事業卓然可傳者
如楊文定張文簡而後孰為國
之光孰為鄉之望無淹沒矣紀
性德典學問也自勳臣碩儒外
或捐軀於拾蒿或謀養於棘椹
或舟汎共伯宅分廊成者罔敢

闕遺他如劉侍講陳孝廉而後
品行足重者何人著作可傳者
何氏莫不徵其實而表之名教
彰矣至於賦役課稅里社廟祀
橋梁古蹟風俗物產條分縷析
一一據實直書不涉於鋪張圓

竊取春秋之微旨是非不謬歟
翹曰之有威矣思開闢以來河
馬不獻罔洛龜不獻穀後世何
以見天地之藏左史不記言右
史不記事奕禩何以考帝王之
蹟使邑志不修修而不備他年

何以藉文獻之微茲率

制軍風行於上邑宰為行於下即
翹亦克與諸紳士稽攷斟酌効
芻蕘之一得不可謂他曠世一
時也志既成自域圖以至藝文
總計八卷五十四目邀當事者
制憲進之

石首縣志

卷首序

七

折衷鑒定之此不特呈之

天

府有裨於國史也將見後有賢侯
疾止覽斯志者知山川之雄秀
井疆之巨畫無不思藉手以奏
治績焉有縉紳子弟覽斯志者

緬先進之典型前賢之事業無
不思自奮而興起焉即愚夫愚
婦聞忠孝之流芳節義之著美
亦無不自勵而堅其操守焉若
是則斯志之修闕係豈淺鮮哉
乾隆歲次乙卯孟冬月望後一

石首縣志

卷之四

日石首縣丞陽羨王鳳翹祠因
氏拜題於繡林山麓之萃籬軒




方輿輿圖

石首縣志

卷之一

沿革一


二



石首縣志

卷之一 沿革考二

三



王姓頂江洲
 永錫洲
 僧福洲
 民姓枕心洲

揚桃坑
 崩入江
 自錄野亭至
 鹿角頭止岸
 六十里舊有
 提金廢

鹿角頭
 東山
 帶荒山
 馬敬
 仙蹟
 果老

觀音寺
 吳封寺
 吳王廟
 付大
 理卿
 墓

白鶴山
 華墓
 王別駕墓
 焦山
 王別駕墓

上津湖
 李氏
 翰林墓

東岳廟
 祖師宮
 沙埠圻
 劉郎浦
 石壇
 馬王廟
 小南門
 大南門
 倉基